

Լ. Գ. ՄՈՒՐԱԴՅԱՆ, ԱՐԻԻԽԱՐ ԱՐԻԻԽԱՐՅԱՆ, ԿՅԱՆԲՐ և ԳԱՆԴԱԳՈՐԾՈՒՅՈՒՆ-
ՆԵՐ, ԵՐԵՎԱՆ, 1991, Հայաստանի ԳԱ հրատարակչություն, 419 էջ:

Աշխատությունն ընդգրկում է Արփիարյանի կենսագրությունը, հրապարակախոսությունը, գեղարվեստական ստեղծագործությունն ու գեղագիտական-գրաքննադատական հայացքների ամբողջությունը, Առաջին անգամ համակողմանիորեն վերհանվում է հայ մշակույթի ականավոր դեմքի մտավոր ողջ գործունեությունը, Հեղինակը Արփիարյանի կենսագրության և ստեղծագործության ներքին կապը ձգտել է բացահայտել բնութագրական իրադրության մեջ և դա էլ, ըստ իս, դարձել է նրա աշխատանքի հաջողության գրավականներից մեկը:

Աշխատության երեք գլուխներից առաջինը ներառում է Արփիարյանի հրապարակախոսական գործունեությունը՝ սկսած «Մշակին» աշխատակցելուց մինչև «Արևելք», և այնուհետև «Շիրակ» ու «Լուսաբեր» պարբերականները՝ մինչև նրա կյանքի ողբերգական ավարտը, Իրավացի է հեղինակը, երբ Արփիարյանի հրապարակախոսական գործունեության հասարակական արժեքը պայմանավորում է համազգային հիմնախնդիրների թելադրանքով, Հայկական հարցի լուծման համազգային ոգորումներով և «Մշակին» գաղափարական ազդեցությամբ: Արփիարյանն այդ ազդեցությունը հաղթահարում է հրապարակախոսական ուրույն ընդհանրացումներով, զուտ արևմտահայ կյանքին հասցեագրված գործնականություններով, որ նրա թղթակցություններին տալիս էր քաղաքացիական գործուն դիրքորոշում, վերջինս բնութագրվում էր արևմտահայ կյանքի ներքին արատների համարձակ վերհանմամբ, ազատագրական տրամադրությունների նուրբ արձագանքումով և ժողովրդի պայքարի ոգին զորացնելու առողջ մտայնությամբ: Հեղինակը համոզվել լուսաբանման ներկայացնում է Արփիարյանի հրապարակախոսության առաջին տասնամյակի ուղղվածությունը՝ Կ. Պոլսի Ազգային ժողովի քննադատությունը, ընդդիմությունը համիդյան բռնակալական կարգերին, արևմտահայ և արևելահայ հատվածների մերձեցման ու ազգային-քաղաքական ու մշակութային միասնության ձգտումը և այլն: Ժողովրդավար հրապարակախոսը այս գաղափարներին էր ծառայեցնում իր թղթակցությունների բուն առարկան՝ կրթական գործը, Ազգային վարչության գործունեության համապատկերը, եկեղեցին, մամուլը, Հեղինակն այս ամենը ցուցադրում է ոչ միայն նյութի թելադրանքով, այլև միշտ պահպանելով շափի զգացումը, որ նպաստում է իր առաջադրած հարցերի բավարար պարզաբանմանը: Հինդ որում, Լ. Մուրադյանը Արփիարյանի հրապարակախոսության հասարակական ներգործությունը իրավացիորեն տեսնում է նրա քննադատական կեցվածքի մեջ՝ ընդգծել այն ամենի, ինչ ազգադավ էր, հնազանդ և անմոռուն՝ իրեն սպառած ավանդականի և բռնակալության առջև:

Ծթն 1880-ականի սկզբին Արփիարյանի հրապարակախոսությունը նշանավորում էր արևմտահայ ժողովրդավարական նոր հրապարակագրության հայտնությունը, ապա նույն ժամանակների նրա գրաքննադատական հոդվածները ի հայտ են բերում իրապարտական շարժման գեղագիտական հիմնավորման առաջին փորձերը: Հեղինակը հանգում է այն ճիշտ հետևությունը, որ «Մշակին» արևմտահայ աշխատակիցը հետամտում էր «գեղարվեստական մտքի ծրագրային զարգացման» անհրաժեշտությանը:

Արփիարյանի հրապարակախոսական գործունեության և, առհասարակ, 1880-ական թթ. արևմտահայ լրագրության պատմության բացահայտման տեսակետից շատ կարևոր է աշխատությունը՝ «Արևելքի» շրջանին նվիրված հատվածը: Դա փաստորեն արևմտահայ կյանքի նոր իրադրության շրջանն էր, հայության բնաշնչմանը հետամուտ համիդյան քաղաքականության ծավալման սկիզբը: Լ. Մուրադյանը խորամուխ է եղել պարադոքսալ այն երևույթի մեջ, որ բռնապետության ամենօրյա հարվածների թիրախ դարձած հայ մամուլը, այսուհանդերձ, «ստանձնում է հասարակական առաջընթացի ուղեցույցի գերը» (էջ 70): Այդ գերը, առաջիններից մեկը լինելով, ստանձնել էր «Արևելքը»՝ նոր լրագրության առաջնեկը 1880-ականին: Ծվ՝ ձևի (ժանրային) և բովանդակության (արևմտահայության կացության պատկերը գավառներում և Կ. Պոլսում) իմաստով «Արևելքի» դիրքորոշումը պայմանավորված էր արևմտահայ կյանքի ներքին տրամաբանությամբ, ընդհանրապես թշնամական պետական քաղաքականության բերած տագնապնդումով, որ մտրակում էր հայ ամենատարբեր հասարակական խավերի գե-

ապագությունը: Պետք էր ըստ հնարավորին համախմբվել՝ հեռունեքում ուրվագծվող աղետին, թեկուզ քնազդորեն՝ ազդովին հակադրվելու համար: Սրանով է բացատրվում, ըստ իս, «Արևելքի» վարչական խորհրդի երեկինների և բուն ժողովրդավար խմբադրական մարմնի շատ ուշագրավ համագործակցությունը այդ թերթում: Կարծում ենք, ինչ-որ չափով արժեք ուշագրություն դարձնել այդ համագործակցության ներքո եղած հակասությունների վրա, որ անգիտացվել է խնդրո առարկա աշխատության մեջ: Չմոռանանք, որ «Արևելքի» խմբագրական մարմնի տեսակետը արտահայտվում էր հիմնականում թերթի երրորդ էջում, ի հակակշիռ նրա առաջին և երկրորդ էջերի, որտեղ տնօրինում էր չափավոր վարչությունը: «Արևելքը» աշխատության մեջ փաստորեն նույնացվում է Արփիարյանի հրապարակախոսության հասարակական դիրքորոշման հետ, որ հերքվում է ոչ միայն թերթի նյութերով, այլև Ա. Արփիարյանի և Գր. Զոհրապի բազմաթիվ վկայություններով (տե՛ս նոր կյանք, 1899, № 19, էջ 298, Հայրենիք, 1893, № 356, Ա. Ալլադյան, Անհետացող դեմքեր, Գրիգոր Զոհրապ, Կ. Պոլիս, 1919, էջ 58 և այլն): Պետք է ավելացնել, սակայն, որ նշված համահարթեցումը չի հակասում Արփիարյան-հրապարակախոսի ըմբռնումների ճշմարտացի բացահայտմանը «Արևելքի» շրջանում:

Աշխատության մեջ հիմնավորված ուշագրության է արժանացել Արփիարյանի դերը՝ արևելահայերի հետ հասարակական ու զրական կապերի խորացման գործում: Այս իրողության հետ սերտորեն կապվում է ռուս զրականության ու մշակույթի նկատմամբ արևմտահայության անախարհիկ հետաքրքրության բացահայտումը: Հեղինակը համոզված է, որ այս հանգամանքը Ռուսաստանի հետ կապվող քաղաքական ծրագրերի դրսևորում էր: Հիշում, 1880-ականի արևմտահայ ժողովրդավարները (Իհարկե, ոչ առանց բացառությունների) կողմնորոշվում էին դեպի Ռուսաստան և ռուս առաջավոր հասարակական ու քաղաքական միտքը: Այս գործիչները այդպիսի կողմնորոշմանը հաստատուն էին մնում՝ քամահերթվ քաղաքական ամենազայթակղիչ փաստերը, որոնք դրսևորվում էին Հայկական հարցում ցարական կառավարության թրջահաճո կեցվածքով: Անշուշտ, այս հիմնահարցը պահանջում է արդիական գիտական լուծում, բայց անվիճելի է, որ արևմտահայ ժողովրդավարներն արտահայտում էին ազգի գոյատևման տրամադրությունները:

Ուշագրավ են և Մուրադյանի համադրումները «Արևելքի», «Մասիսի» և, մյուս կողմից՝ «Մշակի» միջև, որոնք ամբողջ կուլան են դառնում ժամանակի հայ հասարակական մտքի միասնական բնույթն ու նկարագիրը վերստին ապացուցելու համար: Թարմությամբ է աչքի ընկնում Արփիարյանի հրապարակախոսական գործունեության՝ «Մասիսի» շրջանի բացահայտումը: Առօրյա կյանքի սթափ քննությունը «Մասիսի» էջերում զուգադրվում էր գեղարվեստական դրականության բարոյաէթիկական ամրագրումներով: Առհասարակ, Արփիարյանի խմբագրած «Մասիսին» տրված բնույթագիրը շատ կողմերով լրացնում է մեր պատկերացումները ոչ միայն 1880-ականի վերջերի Արփիարյանի հրապարակախոսության ընթացքի, այլև բուն «Մասիսի» մտավոր փայլատակումների մասին: Նույնը առանց վարանումների կարելի է ասել Արփիարյանի գործունեության հաջորդ «Հայրենիքի», շրջանի վերաբերյալ: Ցույց է տրվում՝ այդ թերթի բացառիկ դերը արևմտահայ առաջադեմ մտավորականության համախմբման, նրա գործունեությունը կազմակերպված հունի մեջ դնելու գործում: Հեղինակը այս վերջին կողմին է առնում «մամուլի» հասարակական օգտակարության գաղափարը: Այդ գաղափարը տարերայնորեն սկիզբ էր առել դեռևս «Ազդարարի» ժամանակից (1794), բայց, ըստ էության, այն հարյուրամյա ընթացք էր ապրելու, որպեսզի ազատագրվեր անհատապաշտության քնազդական մղումներից և դառնար գիտակցված անհրաժեշտություն: Դրանով էր առաջնորդվում Հ. Շահնազարի և Ա. Արփիարյանի «Հայրենիքը», որն արևմտահայ ժողովրդավարական մտքի լուրջ ամբիոններից մեկն էր անցյալ դարավերջին: Աշխատության մեջ այս փաստը հիմնավորվում է «Հայրենիքի» հրապարակախոսական համարձակ առաջադրումով ու լայն շառավիղներով, հասարակական ներգործության չափով ու սկզբունքայնությամբ:

Աշխատության երկրորդ գլխում հետադրվում է Արփիարյանի գեղարվեստական ստեղծագործությունը՝ «Կյանքի պատկերներին» գեղարվեստական կառուցից մինչև արձակի փոքր ձևերը: 1880-ական թթ. զրական-իրապաշտական շարժումը, որ ներկայացվում է էական կողմերով, ծառայում է իբրև հենք՝ Արփիարյանի տեղն ու դերը այդ շարժման մեջ ցույց տալու համար: Արփիարյանի արձակի սոցիալական նկարագիրը հեղինակը բնորոշում է նրա գեղագիտական սկզբունքներով և ուղղվածությամբ: Արփիարյանի իրապաշտության առանձնահատկությունները ցույց են տրվում «Կյանքի պատկերներ» շարքի գործերի վերլուծությամբ: Հեղինակը հուրը դիտարկումներով բացահայտում է Արփիարյանի պատմվածքների կենսական հզոր

լիցքը, որը մի կողմից ստեղծում է «հրապարակախոսական արձակի» պատրանք, բայց և մյուս կողմից՝ հասցնում է հասարակական բնույթ ստացած հիմնահարցի զեղարվեստական հիմնավորման: Այստեղ պետք է նշել, որ, բանավիճելով Արփիարյանի ժամանակակից և հետազայի քննադատների հետ, հեղինակը երբեմն խուսափում է սրուշակի հակադրություններից: Թվում է, ի. Մուրադյանը առավել հստակ պետք է սահմանազատվեր 1905 թ. ուսական հեղափոխության՝ Արփիարյանի ստեղծագործության վրա թողած ազդեցությունը հավաստող տեսակետներից: Սոցիալական բողոքի թեման, որ առկա է Արփիարյանի (և ոչ միայն Արփիարյանի) երկերում, դեռևս չի նշանակում, որ նա նկատի է ունեցել սոցիալական հեղափոխությունը: Սոցիալիստական գաղափարների հանդեպ համակրանքը ամենևին էլ չի նույնանում սոցիալական պայթյունները անխուսափելիորեն ընդգծելու հետ: Եվ դարձյալ, ժամանակավորապես պետք է համարել Ալ. Մյասնիկյանին վկայակոչելը Արփիարյանի գնահատման հարցում: Նշված դիտողությունը, սակայն, զրեթե կորցնում է իր ուժը, եթե նկատի ունենանք, որ ի. Մուրադյանը ըստ ամենայնի հերքում է այն գնահատականները, որտեղ անտեսվում է ժամանակի հայ մարդու մտածողությունը՝ այն փոխարինելով հեղափոխական մերկապարանոց առաջագրումներով: Այս առիթով ասենք, որ «Կարմիր ժամուց» վիպակը այս աշխատության մեջ, առաջին անգամ լինելով տասնամյակներ ի վեր, ստացել է գեղագիտական խոր իմաստավորում: Արփիարյանի ստեղծագործական անհատականության այդպիսի ըմբռնման արդյունք է ի. Մուրադյանի այն կարծիքը, որ իրական դեպքերն ու պատմական իրադարձությունները միջավայրի բաղադրամաս դարձնելը առավել համոզիչ է դարձրել վիզակի ստեղծագործական ճշմարտացիությունը: Զի կարելի չհամաձայնել ի. Մուրադյանի հետ, երբ նա հերքում է Հայրապետ էֆենդու ազատագրական հակումները տիպական չհամարող տեսակետը (որը հենվում է ազատագրական պայքարը միայն սոցիալապես շահագործվողներին վերագրելու ուղղափառ հեղափոխական սխեմայի վրա): Բայց և դժվար է համաձայնել հեղինակի հետ, երբ նա իր հերքումը բացատրում է ժամանակի քաղաքական էքստրեմալ իրադրություններ, որը կարող էր նպատակաուղղվել հերոսներին բացառիկ արարքներին (էջ 291): Հայրապետ էֆենդու մեջ կատարված քննումը բացառիկ հանգամանքների արդյունք է: «Կարմիր ժամուցը» գեղարվեստորեն արտացոլում է հայ հասարակության մեջ ազատագրական պայքարի վերաբերյալ հակադիր կամ ուրույն տեսակետները: Այդ տեսակետների իրապաշտական վերլուծությունը զրոգի կողմից, զրանց ոչ բենեպոնությունը Արփիարյանը դիտում է որպես հասարակական տարրեր խավերի մեջ գիտակցումն այն բանի, որ օսմանյան բռնապետությունը, ի վերջո, ուղղված է ոչ ազգի գոյության դեմ: Որոշ վերապահումներով, սակայն, պետք է ասել, որ հայ վերնախավի համար արտաքս կարգի կեցվածք չէր կարող լինել հակումը դեպի ազատագրական պայքարը (տնտեսական շահերի գործոնին կարելի է մոտենալ մի այլ անկյունից՝ հիշենք, Քեկուզ, 1890-ականից Համիդի, հետագայում՝ երիտթուրքերի, բացահայտ թալանչիական միջոցառումները արեմտահայ բուրժուազիայի դեմ՝ նրան թուրքական շուկայից արտաքսելու համար):

Վերջին՝ երրորդ գլխում ի. Մուրադյանը արժեքավորում է Արփիարյան-գրական քննադատի և գրականության պատմաբանի դերը հայ մտավոր մշակույթի պատմության մեջ: Արփիարյանի հայացքներն այս բնագավառում դիտարկվում են հիմնավորապես՝ իբրև «80-ականների իրապաշտ սերնդի գեղագիտական հայացություն»: Հետազոտողը հիմնահարցը քննում է իր ամբողջության մեջ՝ բնութագրելով առհասարակ Արփիարյանի քննադատական հայացքներին նվիրված ուսումնասիրությունները: Ոչ պակաս կարևոր են Արփիարյանի քննադատական սկզբունքների գիտական բնույթը, նրա իրապաշտական գեղագիտական շափանիչներին բացահայտումը: Գրականության օգտապաշտության սկզբունքը Արփիարյանը առնչում էր ժողովրդական գրականության բովանդակության, «գավառի գրականություն» հասկացության հետ: Վերջինը արևմտահայ գրականությանը ներարկելու էր ազգային կենսական պայքարը, այդ գրականությունը ծառայեցնելու էր Արեմտահայաստանի իրական առաջընթացի պահանջներին:

Արփիարյանի գեղագիտական հայացքները ի. Մուրադյանը քննում է կոնցեպտուալ կամ վածքով՝ գրականության հասարակական նշանակությունը, գրականության հասարակական օգտակարությունը, գրականությունը իբրև ժողովրդի հոգեբանության անդրադարձ և, վերջապես, գրականություն իբրև հասարակական վերափոխումների ծրագրերի գաղափարական առաջադրում և հիմնավորում: Ծույց է տրվում, որ գրականության գաղափարայնությունը, իրոք, Արփիարյանի համար մնում էր իբրև գեղագիտական լուրջ շափանիչ:

Անհատու ներգրում պետք է համարել, ըստ իս, ի. Մուրադյանի աշխատության այն հատվածը, որտեղ գիտական հիմունքներով քննություն է ենթարկվում Արփիարյանի կատարած գործը:

հայ դրականության պատմության հետազոտության ասպարեզում: Բացահայտվում է էականը, այն, որ հայ դրականության զարգացման ընթացքը Արփիարյանը գիտարկել է պատմահասարակական շրջափոխների հերթազարկության մեջ առաջնորդվելով պատմահամեմատական մեթոդի սկզբունքներով: Դրա շնորհիվ Արփիարյանը կառուցել է գրականության պատմության պարբերացման որոշակի համակարգ, որի արգյունավետությունը իր գիտականության և արդիականության մեջ էր:

Լ. Մ. Մուրադյանի աշխատությունը, հիրավի, հանրագումարն է գիտական այն ուսումնասիրությունների, որոնք նվիրվել են արևմտահայ դասականի, գեղագետի և հրապարակագրի կյանքին ու ստեղծագործությանը: Քննվող հետազոտությունը եր այդ որակը վկայում է նոր և թարմ հարցադրումներով, նյութի գիտական խոր մշակմամբ և Արփիարյան-երևույթի էության մեջ ներթափանցելու նվիրումով:

Ա. Ա. ԽԱՌԱՏՅԱՆ
Պատմական գիտությունների դոկտոր